

■ COMUNICAZIUN DAL DEPARTAMENT DA DEFENSIUN

Curs da repetiziun da duas emnas – tests en il Grischun

(anr/vi) Il cussegl federal vul reducir il 2017 ils curs da repetiziun da trais sin mo pli duas emnas. L'emprim fa l'armada dentant tests – numnadamain questa primavaira en il Grischun. La duonda, schebain ins duai scursanir ils curs da repetiziun sin duas emnas è contestada. Il schef da l'armada *André Blattmann* ha decidì da far tests, sco il departament da defensiun ha fatg enconuschent quest'emna. La primavaira vegnan dus battagliuns a manar atras curs da repetiziun scursanids. La finamira è da rimnar experientschas per planisar vinvant.

Curs pli intensivs

Enpli less ins augmentar l'intensidad da

la scolaziun. Mintg'emna vul ins far in exercizi da notg. La schuldada vegn persunter relaschada l'emprim'emna pir la sonda suentermezdi. E fatg urden e mess a disposiziun danovamain la rauba da l'armada vegn pir il venderdi e la sonda a la fin dal curs. La relaschada ha lieu sonda suentermezdi.

Ils curs da duas emnas vegnan fatgs l'avrigl ed il matg cun il battagliun 6 d'infantaria da muntogna e cun il battagliun 12 da chars armads. Ils exercizis han lieu en la Tumbleastga, il Partenz ed en la regiun da Cuira. Plinvant datti curs da repetiziun scursanids a Bure en il Giura.

Partidas burghaisas èn encunter

Il curs da cader vegn manà atras en l'em-

prim'emna ch'era planisada per ils curs da repetiziun.

Per la gronda part da la schuldada da quests battagliuns ha il curs da repetiziun ussa lieu en la segunda e terz'emna planisada.

Ils curs scursanids èn in element essenzial dals plans per sviluppar l'armada.

Ils plans prevedan d'adattar il sistem da milissa als fatgs ed a las pretensiuns da l'ambient sozial ed economic.

La pps, la pcd e la pld han unisono refusà la proposta dal cussegl federal da scursanir ils curs. L'argument principal: Entaifer duas emnas na possian ins betg scolar la schuldada. I manchia temp per exercizis.